

I. HERRITARREN PARTAIDETZA PROGRAMA

I.1. LEGE ESPARRUA

Lurzoruari eta Hirigintzari buruzko ekainaren 30eko 2/2006 Legearen 84.4 eta 108. artikulua betez, planaren aldaketa egiteko, izapidetzeko eta onartzeko prozesuan jarraitu beharreko Herritarren Partaidetzarako Programa idatzi da.

Aipatutako 2/2006 Legeak 84.4 artikuluan xedatzen duenez, dagokion hirigintza-plana edo -tresna formulatzeko erabakian, edo, hala badagokio, hura izapidetzeko eskumena duen administrazioan aurkeztutakoa onartzeko izapidean, beharrezko neurriak eta jarduerak zehaztuko dira administrazio-koordinazioa eta herritarrek parte hartzeko programa sustatzeko plana egin, izapidetu eta onartzeko prozesuan.

Era berean, aipatutako 2/2006 Legearen 108. artikulua herritarren partaidetzarako programa

arautzen du, eta ezartzen du egiturazko antolamenduko edozein plangintzaren figura formula-tzen, aldatzen edo berrikusten hasteko udal-erabakiarekin batera herritarrek parte hartzeko programa bat egon beharko dela, eta, bertan, udalerrriaren ezaugarrien arabera, herritarrek eta elkarteek Bere prozesua Azkenik, lurralde-antolamenduko planak eta hirigintza-antolamenduko tresnak onartzeko prozedurak arautzen dituen martxoaren 24ko 46/2020 Dekretuak 3. artikuluan adierazten ditu herritarrek parte hartzeko programaren gutxieneko edukiak, eta artikulua horretan adierazitakoaren arabera argitaratu beharko dira.

Gainera, HPP honen aurkezpenaren bidez, Euskadiko Toki Erakundeei buruzko apirilaren 7ko 2/2016 Legean eta partaidetzako deliberazio-akordioei buruzko 76. artikuluan xedatutakoa jasotzen da. Hala, PPC honetan azaldutako edukien bidez erantzuteaz gain, gehieneko parte-hartzaile kopurua eta horien izaera zehaztea proposatzen da. Aztergai dugun kasu partikularrari dagokionez, ez litzateke ezarriko (gehieneko kopurua), ezta alde aurreko baldintzarik ere, eta Adunako udalerriko herritar guztiei eskainitako prozesua izango litzateke.

Azkenik, Administrazio Publikoen Administrazio Prozedura Erkidearen urriaren 1eko 39/2015 Legearen 133. artikuluan 1. zenbakian aurreikusitakoaren arabera, arau-proiektua egin aurretik, kontsulta publikorako aldi bat ireki da, Administrazio jardulearen web-atariaren bidez.

I.2. EDUKIAK

I.2.1 PARTAIDETZARAKO GIDA: PROZESUAREN JARRAIBIDEAK ETA EDUKIAK

Euskadiko Lurzoruari eta Hirigintzari buruzko ekainaren 30eko 2/2006 Legearen helburu eta printzipio orokorren artean, horietako bat herritarrek parte hartzeko duten eskubidea bermatzea izan da, herritarrek parte hartzeko programen bidez. Lehenengo tresna hori programa honetan gauzatu egingo da, herritarrei egun indarrean dauden Arau Ordezkoak ordezkatuko dituen Adunako Hiri Antolakuntzarako Plan Orokorra proposatu, bideratu eta onesteko prozesuan parte hartzeko eskubidea erabiltzeko aukera emateko bitarteko nahikoak biltzen baititu.

Parte hartzeko eskubidea ahalbidetzeko ezarritako helburuak, printzipio gidariak, estrategiak eta mekanismoak lehiaketa-proposamenean zehatz-mehatz adierazi eta deskribatutakoak dira, eta, nagusiki, honako atal hauek dituzte.

I.2.2 SAIO IREKIAK

LEHEN FASEA: UDALERRIAREN DIAGNOSIA HERRITARREKIN BATERA

Talde idazleak ikuspuntu objektibotik idazten duen bitartean (demografia, arlo sozio-ekonomikoa, etxebizitza, mugikortasuna, ingurumena, eta gainerako gai sektorialeiei buruzko txostenak idatziz), herritarrentzako saioak prestatu eta burutuko dira. Parte hartze hau biztanleria orokorrari zuzentzeaz gain, eta hirigintzak alboratu ohi izan dituen sektoreei ahotsa emateko asmoarekin, emakume eta hurrekin eginiko saioak ere antolatuko dira.

BIGARREN FASEA: AURRERAPIDEAREN IDAZKETA

Diagnosia elkarrekin egin ondoren, hau da talde idazleak egindako txostenak gehi herritarrek gehituko dioten elementu subjektiboa, proposamen fasea herritarrekin burutzea da helburua. Horretarako, proposamenak zehazteko tailerrak gauzatuko dira. Saioaren amaieran Plan Orokorren idazketarako irizpide, helburu eta konponbide orokorrak jasoko dituen dokumentua azalduko da, hurrengo fasean jendaurrean jarrita izan dadin.

IRIZPIDE, HELBURU ETA KONPONBIDE OROKORREN AGIRIA JENDAURREAN AGERTZEA (AURRERAKIN-AGIRIA)

Adunako Udalak hasierako onespeneren agiria idatzi baino lehen egingo diren alde aurretiko azterlanen jendaurreko informazio epean edukia zabaldu, informatu eta herritarrek parte hartzeko (antolamendu aukeren analisi, balorazio eta lehenestean) honako ekintzak egingo lituzke:

- Jendaurrean agertzea.
- Jendeari irekitako informazio bilerak.
- Udalaren bulegoetan planoak erakutsiko dira eta prozesuaren eta honen edukiak ikustarazteko lotura digital bat sortuko da.

Gutxieneko epea 2 hilabetekoa izango da, azken argitalpenetik aurrera zenbatzen hasita.

HASIERAKO ONESPENAREN AGIRIA JENDAURREAN AGERTZEA

Plan Orokorren egitasmoa hasieran onetsi eta gero, Udalak jendaurreko informazio epea irekiko du, horretarako hasieran onesteari buruzko erabakia Gipuzkoako Aldizkari Ofizialean eta gehien saltzen den egunkarietako batean edo gehiagotan argitaratuko da. Gutxieneko epea berrogeita bost egunekoa izango da, azken argitalpenetik aurrera zenbatzen hasita.

Herritarrei hasierako onespeneren agiria jendaurrean agertzeko epean parte hartzeko eskubidea erabiltzeko aukera emateko honako bitartekoak ezarriko dira:

- Jendeari irekitako informazio-bilerak.
- Agiria idatzi duen lan-taldeak hitzaldia emango du hasierako onespeneren agiriaren edukia azaltzeko.
- Udalaren bulegoetan planoak erakutsiko dira eta prozesuaren eta honen edukiak ikustarazteko lotura bat sortuko da.

PLAN OROKORRAREN EGITASMOAREN BEHIN-BEHINEKO ETA BEHIN BETIKO ONESPENAK

Herritarrek parte hartzeko prozesua bukatu ondoren, eta jendaurreko informazio epean egingandako alegazioak aztertuta, Udalak behin-behinean onetsiko du agiria (beharrezko aldaketekin, hala badagokio).

Ondoren, Udalak erabaki hori Euskal Autonomia Erkidegoko Lurralde Antolamendurako Batzordeari bidaliko dio, horrek gaiari buruzko txosten loteslea egin dezan.

Behin betiko onespeneraren agiria edo, hala badagokio, Plan Orokorraren egitasmoan egindako aldaketak bilduko dituen testu bateratua, Gipuzkoako aldizkari ofizialean eta gehien saltzen den egunkarietako batean argitaratuko da, eta horren kopia bat Foru Aldundiko hirigintza plangintzako administrazio erregistrora bidaliko da, aldaketa zehatzari buruzko agiriak edozeinek kontsultatu ahal izango dituela bermatzeko

I.2.3 DIBULGAZIO-MATERIALA

Dibulgazio-materiala Komunikazio Planean jasotakoa da. Komunikazio-plana udalerraren berrezko jardunbide eta mekanismoen mende dago; horien artean, eta sare sozialak zein hedapentalde gisa jarduten duten kanalak nabarmentzen dira.

I.2.4 GENERO IKUSPEGIA

Partaidetza prozesu osoan genero ikuspegia txertatu egingo da berdintasunerako parte hartzerako mekanismoak ahalbidetuz, hala nola, zaintza kontutan harturik, eta abar.

Donostia, 2022ko abenduak 28



HIRIGRAMA
Hirigintza eta arkitektura
KOOP

Hirigrama Koop. Elk.Txikia